

Artistanan di bishita cerca Minister Plenipotenciario Suplente



E dos artistanan pintor Arubano sr. Gustave Nouel y sr. Elvis Tromp a bishita Minister Plenipotenciario Suplente sra. Ella Tromp-Yarzagaray.

Sr. Elvis Tromp tabata na Hulanda na ocasion di su participacion na e exposicion 'Wild in de Natuur' 2 na galleria Kunsthuis van het Oosten na Enschede. E exposicion aki tin un caracter internacional unda artista for di diferente pais manera Merca, Inglatera, Suecia. Alemania, Francia y Belgica ta participa. E tema principal di e exposicion ta Bida Salvaje den naturaleza.

Sr. Tromp a haci entrega di un buki cu reproduccion di su obranan na Minister Plenipotenciario Suplente.

Na su turno sr. Gustave Nouel tambe a haci entrega di e prome edicion di e revista 'Inspired by Aruba'. E revista aki ta un serie di buki di les special pa tur persona di 14 aña pa-

riba y cu tin talento por siña pinta. Sr. Gustave Nouel ta usa aspectonan di Aruba como inspiracion pa e pinturnan den e revista. E edicion aki ta na Ingles y ta special pa e mercado Mericano. Sr. Gustave Nouel a bisa cu prome cu fin di aña lo sali un edicion na Hulandes. Plannan ta pa saca tambe un edicion na Spaño y Papiamentu. Di e manera aki sr. Gustave Nouel ta contribui na crecemento di turismo artistico pa Aruba.

Sra. Tromp-Yarzagaray a gradici ambos artista pa e ehemplar di nan buki y a bisa cu Aruba ta orguyoso di su artistanan cu sa di destaca den exterior y asina pone Aruba riba e mapa mundial cultural. E mandataria a desea nan tur clase di exito den futuro.